

T 9299/1137 (2)

2

六朝餘韻分目

聖製

渙汗

絲綸

尺一

紫泥

五條

四頌語

詔章

文

詩

翰

頌

洪武寶訓

政記

正韻

存心

永樂

大典

歲紀

會典

大訓

宣德

述先

招隱

玉牒

聖典

郊祀

郊譽

陶匏

藁秸

燔柴

祓禴

圓丘

五帝

五祀

八蜡

八神

雍時

五時

哈佛大學漢和
圖書館珍藏印

三一 六宗 四望 靈星 五齊 彤日

黝牲 社稷 枌榆 薄社 人祭 金人

陳寶 九祭 祭丁 一元 宗祏 跛倚

富樂 犯齋四 頌語 自叙 廟祭 禱雨

謝雨 祈晴

明堂

總章 茅屋 左个 蒿宮 五更 崑崙

四 頌語

辟廱

類宮 米廩 四教 春誦 大成 六經

易 連山書 九丘 濟南 孔壁 漆書詩 毛萇

四始 分四春秋 左氏三禮 戴聖 延儒 臨雍

鄉學 弘文 槐市 稷下 文翁 范甯

釋奠四 頌語 經筵

藉田

藉畝 三推 一墾 鈎盾 賜食四 頌語

親蚕

三盆 蚕神 一條 宿瘤 濯龍四 頌語

營建

宮 貳宮 建章 明光 甘泉門 韓門 臯門

金馬 濯龍殿 納陛 白虎 靈光帳 甲帳

觀飛廉闕 魏闕堂 九雉 玉堂 鱣堂室 宣室

輪奐 肯堂齋 蕭齋樓 麗樵 南樓 登樓

百尺 玉樓閣 天祿 麒麟 阿閣 臨春

臺漸臺 章華 懷清園 梁園 華林 辟疆

灌園 國游唐詩 雲標 輦路 戲馬 䟽龍

當蹊 雲移 桐花 鶉居 昆明 翠微

四頌語 慈寧 五鳳 太廟 明堂 太學

孔廟

六朝餘韻卷之二

海虞王良臣忠亮父纂輯

同邑 姚宗儀鳳來父增補

鄔 驚善吉父 校

門人梅繼祖欽之父訂梓

聖製

渙汗

易渙汗其大號。王肅注。王者出令。不可復返。如身中汗出。不可返也。

絲綸

禮。王言如絲。其出如綸。鄭注。言出彌大也。綸。今有秩嗇夫所佩。

尺一

魏夏侯玄初為中領軍。與高陽許允善。先是有詐作尺一詔書。以玄為大將軍。允為大尉。共錄尚書事。又漢司隸校尉楊球為大尉。勅尚書令召拜。不得稽留尺一詔書。

紫泥

漢制。詔書以紫芝為泥以封。蘭英為檢以函。丹木為鳳以嘶。

五條

晉武泰始四年。斑五條詔書于郡國。

四大
頌語

龍文灑玉。芝函披赤練之光。鳳藻摘珠。桂帙賁青衫之寵。竊惟庖羲畫卦。肇開文字之源。虞瀉登歌。大發詩書之蘊。泣鬼神于蒼頡。鳥跡效靈。正雅頌于素王。麟蹄獻

瑞。啟盤周詰。綴蚪蚪以為章。石鼎宗彝。炫縹緗而呈秀。八法闡六書之秘。筆陣生雲。三閭倡九辨之風。詞鋒捲霧。衡石濫觴于鄒魯。尚存古畫之遺。栢梁創體于茂陵。盡失先聲之舊。金花侈詠。徒聞研滴之海濤。貝葉翻經。謾說文垣之星斗。翠帷夜永。兔頰疑寒。綺閣春深。蠅頭吐氣。恭惟陛下。化格重玄。布流風于鳥道。心通三極。契至理于龜書。典學懋伐山之功。游藝深臨池之興。淋漓御墨。香浮搗玉。玄霜燦熯天葩。聲振泥金。紫電布赤文于十行札上。飛綠字于五色雲中。日麗青城。瓊魄閃銅章之采。霞清碧壘。琅函映玉軫之奇。臣向堯鏡以傾葵。

對軒圖而縮芷。敢不珞崇琬琰。廣布絲綸。

風起雲飛。侈雄心于過沛。菊芳蘭秀。增佚志于橫汾。擬

石經者。綴論以續貂。譔金海者。馳精而測蠶。編珠貫玉。

大猷何藉于珪璋。縹彩雕華。曲技徒工于鞞輓。

降自九天。燦然五色。初喜麗天之象。遠燭輝光。旋驚垂

露之蹤。曲罩霈澤。鸞鶴迴翔而變態。煙霞舒卷以呈姿。

騰彩飛空。聳神蕩目。

筆海波清。月瑩明珠之浦。學山烟秀。天開群玉之峯。滙

河洛于心源。文酒龜馬。驅風雷于筆陣。勢起龍蛇。玉闕

霄看。北斗燭蛟龍之氣。崑丘夜望。層城懸日月之輝。

詩

集靈七字。燦星綿以騰華。沛邑三侯。曼成韶而儷曲。輦

遊後苑。酒杯歡入于飄香。駕幸山中。澗泉笑合于宿凍。

玩櫻桃之景。悅翠色于長津。步芙蓉之池。悵驚風于輪

轂。群燕辭歸。難比儀鳳佳句。啼豹夾路。竟步步朱雁浮詞。

恭惟陛下。紫庭黃竹。重見人間。晨露卿雲。載飛帝唱。風

生閭闔。九衢傳清籟之音。月滿洞庭。萬里聽鈞天之奏。

雙龍之匣乍開。氣衝牛斗。五鳳之音忽聽。響徹雲霄。

禹碑不作。羲畫無傳。溢美臣僚。何取商霖之賜。謹譁御

座。空登劉垺之床。石湖成于聖筆。白璧一雙。寶奎藏于

御書。商雲五色。九霄六翮。勅臣職于唐庭。一札十行。課

論

六月 餘員 卷之二

頌

吏治于漢。陛寶恩發于天文。長河韶映。金壺傾于玉札。流采成霞。畫似奎星。出層霄而絢采。文如綠字。浮德水以凝華。舞鳳迴翔于懷袖。飛龍顧盼于縑緗。商之猗那。周之清廟。固以跨越千古而巍乎。漢之燕然。唐之磨崖。抑欲追倣三代之作者。閔儀已七于六經。懿鑠可三于二典。何人筆老。載廢慶曆之詩。有士管窺。僭擬泰階之頌。

洪武寶訓

聖政記

前後逾二十年。詔諭凡四十類。由渡江至御壺。絲綸藹仁義之言。自敬天而制夷。緝紀總帝王之範。始嚴祀事。次正儲宮。敦宗見于藩封。報德彰于序爵。官

正韻

闡申預政之戒。將帥重專權之防。爰定官常。辨等威以示壘。幸稽制度。剗積弊以布新。

楚語播于離騷。吳音盛于晉室。非分平分仄。韻列四聲。乃有南有北。世非一統。聲有飛沉。每隔字而成舛。響多雙疊。恒雜句而必睽。茲者字畫依毛。晃之訂証。方言釐沈約之輕浮。隱軫虞魚獨用而當併。麻奢馬寫。舊合而今分。翻切歸于韻母。偏旁著于說文。

存心醒后。省躬訓臣。應天以實。同周王之側身。感帝惟誠。希殷后之自責。諸路水旱。衆謂無徵。而李沆輒奏。四方災異。郡未及上。而魏相以聞。

存心省躬錄

統宗四韻。標列六書。自經史至道釋。大蒐千古之言。由禮樂迄兵農。悉纂一代之盛。卷幾三萬。歲乃四更。文盡百家。事總六藝。

石室清嚴。應天上文昌之府。金滕秘室。異人間武庫之儲。彼東觀之書林富矣。靡切監觀。卽西崑之冊府奇哉。猶懸絕遠。茲者揆叙乎郊禋廟饗之儀。志明復祖。丕釐乎秩祀尊師之禮。義應表經。念王業之艱難。風動以先。蚤先籍。達尊親之孝理。日承乎慈慶。慈寧。

自宮壺以及藩國。法紀凜乎森嚴。由六卿而迨百司。絜目昭然。明倫禮樂刑政。燿景緯以青臨。緝紀文章。麓山川而錯峙。附歷年之條例。折衆言之滄。而歸諸衷。黜好事之紛更。剗新說之偏而還之舊。

剗荆是導。愚其民。并愚其子。應知鹿走秦關。卽羽翼已成。雜乎伯。復雜乎王。奚怪豕驚漢苑。篇垂帝範。而內德多慚。略著承華。而異端滋惑。茲者採大聖名儒之格言。據帝王祖宗之法戒。曰進學。曰養德。俾之澄湛化源。曰明治。曰厚倫。庸以登閔理道。地表文華。示本支之開萬葉。名標大訓。喻溟渤之會百川。剖微言于脉絡。十行馬負龜呈。揭奧旨于縹緗。五色奎文。璧彩。譬彼伊訓。一德咸以育元良。而正四方。比之無逸。幽風。要在養聖功而

守成業。

言德
沐先
詩

試看三尺劔芒。竟壞于竹絲宴衍。卽若九功籥舞。旋移于花騎縱橫。貞觀不自保其終。繫囚天寶。熙寧欲盡更其舊。禍釀靖康。洪惟仁祖。誕育高皇。剖乾坤再光之鴻濛。復帝王自立之區宇。肆我文廟之代興。昭哉皇考之嗣服。祖孫父子。亘四世而治統彌光。道德功勳。歷三朝而不基增奠。斯已目擊而道存。猶恐言湮于世遠。龍章特灑。鳳藻親裁。八句九章。驚河圖洛書之重揭。冠詩以序。笑毛萇言偃之未工。三物四科之規徒具。駿豈盡于按圖。圓方枘鑿之遇轉

括隱
詩

垂。犧胡便于衣。繡魂鎖空谷。竟難羈如玉之人。歌發大風。誰暇念茹芝之叟。蓋許爾公侯。周人逸豫之期尚陋。從吾尊顯。漢皇嫚罵之氣未降。祇供蟻暮之糧。豈是鴻冥之網。詎如敦崇薪獫。鄭重諷規。五色亂落乎玄珠。太和橫生于彤管。林蘭澗藻。姓名悵落于人間。草望澤春神采思歸于天上。

玉牒

天發慶源。日昌皇緒。分暉若木。布玉葉以疑華。派浪咸池。衍銀潢而麗澤。麟趾壯維城之勢。義邈周年。犬牙開磐石之宗。禮高漢日。闡揚十一葉之慶源。發祥二百年之令緒。左昭右穆。聯雲漢以重輝。大宗小宗。捐日星而

並麓。某才愧柳芳。擬新圖之日錄。筆非班固。與世譜之歲修。

聖典

郊祀

如學

記有虞氏禘黃帝而郊。魯祖顓頊而宗堯。夏后氏禘黃帝而郊。殷祖顓頊而宗禹。周人禘魯而郊。稷祖文王而宗武王。

陶匏

記郊之祭。掃地而祭。于其質也。器用陶匏。以象天地之性也。於郊。故謂之郊。又祭天地之牛。角。籩栗。

繫結

周制。以藁秸及蒲。但剪頭不納。為籍神席。璧用蒼璧。四

圭有邸。以祀天。旅上帝。

鄭注于中央為圭。璧者著其四面。一玉俱成圭。本著于璧。故四

圭有邸。圭末四出。故也。

大司樂奏黃鍾歌。大呂舞雲門。

燔柴

爾雅祭天曰燔柴。

既祭積薪焚之。

祭地曰瘞埋。

既祭埋藏之。

祭山曰

瘞。

音懸。或瘞或懸。置之于山。

祭水曰沈浮。

或沈或浮。置之于水。

祭星曰布。

布散。

于地祭風曰磔。

今俗當大道中磔狗。雲以止風。是其遺象。

是顛。是禡。師祭也。

于顛。

上帝禡于所征之地。

既伯既禱。馬祭也。

伯馬祖天駟。房星之神。

春祭曰祠。

祠之。

言食也。

夏祭曰禘。

新菜。可汙。

秋祭曰嘗。

嘗新穀。

冬祭曰蒸。

進品物。

祓禘

說文除惡之祭曰祓。會福之祭曰禴。

音會。

道上之祭曰禘。

音一曰禘。

取禘以禘。

亦曰祖。

祖帳。東門。

絜意以享曰禋。祭司命曰

祗。祭承先曰禮。

音祗。

祭承先曰禮。

五帝

冬至祭于圓丘。壇曰泰壇。夏至祭于澤中之方丘。壇曰太折。昭晰昭明之名

王者于四立日。及季夏土德王日。各迎其王氣之神于

其郊。春青帝靈威仰。夏赤帝赤熛怒。李夏黃帝。其配祭。合樞紐。秋白帝白招拒。冬黑帝協光紀。

以五人帝。春以太皞。佐勾芒執規司春夏以炎帝。佐祝融執衡司夏李

夏以黃帝。佐后土秋以少昊。佐蓐收執矩司秋冬以顓頊。佐玄冥執權司

各

五祀

記。孟春之月。其祀戶。祭先脾。孟夏之月。其祀竈。祭先肺。中央土。其祀中霤。祭先心。孟秋之月。其祀門。祭先肝。孟冬之月。其祀行。祭先腎。又王立七祀。曰司命。曰中霤。曰

八蜡

國門。曰國行。曰泰厲。曰戶。曰竈。諸侯五祀。曰司命。曰中霤。曰國門。曰國行。曰公厲。大夫三祀。曰族厲。曰門。曰行。士二祀。曰門。曰行。庶人一祀。或戶。或竈。

天子大蜡八。一先嗇。二司嗇。三農。四郵表畷。五貓虎。六

防。七水庸。八昆虫。伊耆氏始為蜡。蜡也者。索也。歲十二

月。合聚萬物而索饗之也。又風俗通。夏曰清祀。殷曰嘉

平。周曰大蜡。漢曰臘。臘。獵也。獵獸以祭。

八神

漢郊祀志。一曰天主。祠天齊。二曰地主。祠泰山梁父。三

曰兵主。祠蚩尤。四曰陰主。祠三山。五曰陽主。祠之罘。六

曰月主。祠之萊山。七曰日主。祠盛山。八曰四時主。祠瑯

瑯

雍時

初秦襄公作西時。名其祭處曰時。又在山。四望不見四方日時。文公獵汧渭

之間。夢黃蛇自天下。屬地其口止于酈。音行。山阪。作酈。

時。宣公作蜜時。靈公作吳陽。上時祭黃帝。下時祭炎帝。

後櫟陽雨金。獻公自為得金瑞。故作畦時。櫟陽祠白帝。

畦時如種韭畦之形。而于畦中各為一土封也。木寓龍。一駟木寓車馬。一駟木

為龍。為馬。各四。以通燿火。燿舉也。狀若井。桔槔舉為祭品。初無俎豆。令光明遠照。通于祀所。

漢高人關。問故泰時上帝祠何帝也。對曰四帝。有白青

黃赤。高帝曰。待我而且五色。遂立黑帝祠。名比時。文帝詔雍增五時。武帝至雍。郊見五時。

五時

三

武帝時。亳人謬忌曰。天神貴者太一。佐曰五帝。于是立

太一壇。三垓。重三五帝壇。居其下。後人上書。又言古天子

三年一用太牢祠。三一。天一一人許之。

祭法。埋少牢于太昭。祭時也。相近于坎壇。祭寒暑也。王

宮祭日也。夜明祭月也。日壇曰王宮。月壇曰夜明。幽榮祭星也。雩祭

祭水旱也。

周禮。國有大故。則旅上及四望。謂日月星海。或謂五嶽四鎮四賁。

靈星祭農祥。

五齊之名。一曰泛齊。成而滓浮最重濁。二曰醴齊。成而

相將猶濁故也。三曰盎齊。成而芬盎。四曰緹齊。成而紅赤。五

四望

靈星

五齊

六宗

曰沈齊成而滓沉轉清故也

書高宗彤日越有雉雉又爾雅商祭曰彤周祭曰繹

周禮凡陽祀用騂牲毛之取純也陰祀用黝音幽黑也牲毛之

頌頊祀共工氏子勾龍為社烈山氏子柱為稷唐虞夏

皆因之殷湯為旱遷柱而以周棄代之

漢高立枌榆社

論衡亡國之社屋其上棧其下絕于天地夫春秋薄社

周以為戒薄社即亳社湯社也

伍輯之從征記臨沂厚丘間有次睢社常以人祭宋公

使知文公用節子處相承僱貧人命齋絜祭時著社前

彤日

黝牲

社稷

枌榆

薄社

人祭

如牲犧魏初乃止

漢霍去病祭金人祭天以為王

晉書陳寶祠秦文至今七百餘歲漢興世世常祭光色

赤黃長四五尺直祠而見音聲碎隱野鷄皆雉每見雍

遣太祝祠以太牢

周禮太祝辨九祭一命祭若禮云君命客祭而祭之是已二衍祭延賓而祭

三炮祭炮讀為包若兼祭于豆四周祭謂殺之序五振祭六擣祭

振擣本同不食者擣則祭之將食者既擣必振乃祭也七絕祭八繚祭絕繚亦本

繚之畧者絕之乃祭也九共祭猶授拜王祭食宰夫授祭者也

五經通義王者所祭天地何王者父事天母事地故以

九祭

金人

祭

子道祭。日以丁與辛何。丁者。反覆叮嚀也。辛者。自克辛也。

一元

記。凡祭宗廟之禮。牛曰一元大武。豕曰劓鬣。豚曰脂肥。羊曰柔毛。鷄曰翰音。犬曰羹獻。雉曰疏趾。兔曰明視。脯曰尹祭。彘魚曰商祭。鮮魚曰脰祭。水曰清滌。酒曰清酌。黍曰薺合。梁曰薺其。稷曰明粢。稻曰嘉蔬。韭曰豐本。鹽曰鹹鹺。玉曰嘉玉。幣曰量幣。

宗祐

凡廟之主。藏于戶外北牖下。有石函。故名宗祐。

被髮

左傳。平王東遷。辛有周大夫適伊川。見被髮而祭于野者。

辛有曰。不及百年。此其戎乎。其禮先亡矣。秋。秦晉遷陸

渾之戎于百川。

跛倚

魯有司跛倚以臨祭。謂偏立不敬

富樂

尸子。齊有貧者。命其狗為富。命其子為樂。方將祭。狗入室。叱之曰。富出。祝曰。不祥。家果有禍。長子死。哭之曰。樂乎。而不自悲也。

犯齋

後漢周澤為太常。嘗卧疾齋宮。妻哀澤病。問所苦。澤大怒。以妻干犯齋禁。收送詔獄。時為之語曰。生世不諧。作太常妻。一歲三百六十日。三百五十九日齋。一日不齋。醉如泥。又晉劉毅居齋宮。妻省之。即奏如妻罪。請解齋。聖鑒述作。聿崇萬古之曠儀。義取尊親。茂創一王之令。

四六
頌語

典故易稱。殷薦而書載。明禋自時邁之風已微。斯我將
之誠未脩。郊雍祀竈。雄心侈茅土之封。金馬碧鷄。漢宣帝
簡命辱梧垣之使。會水陸而繁縟。徒誇同泰仁王塗膏
血以輝煌。奚取景靈昭應。茲者壇開太一。高宮深鎖青
霞。位象中天。栢寢遙聯紫盃。席藁桔器陶匏。薦以太羹
玄酒。舞雲門歌大呂。合以䟽越朱絃。紺宇澄清。燔燎共
星河並爛。瓊宮流彩。簫韶與風日同熙。
奉彤輿而降格。被王座以妥安。燿火達于重城。仙樂成
于九奏。聲揚鍾鼓。雲門作而蒼壁陳。器質陶匏。朱火揚
而紫烟起。

前朱雀而翼翠虬。迺瑤輿之至止。薦黃流而陳蒼玉。邁
紫檢之登封。牲燎昭升。明祇共衛。珠星璧月。叶景運于
千年。瑞氣祥雲。絢靈文于五夜。天爲蓋而地爲輿。爰講
合祛之禮。祖有功而宗有德。聿遵並侑之文。昭升一德。
奚須聞帝語于山前。受職百神。不啻見霄光于壇上。
瑞合汾陰。夢同泰時。丹殿霞起。青幕雲舒。日朗其精。天
澄其氣。祝融穆以肅侍。陽侯愔以中停。
龍袞以祭。鸞刀斯啟。發德朱絃。升歌丹陛。筵享粢盛。堂
斟沉齊。徵萬玉以警塗。詔八神而弭策。藉江茅而陳鄙。
黍。飾蒼壁而奠黃琮。馳萬歲以飛聲。接九重而媲美。使

編珠毓貺。開麗色于金泥。觸石凝禎。蕩華陰于石砥。
曳雲鳳之徜徉。服翠蚪之泮渙。遂自陽靈之宮。往會天
元之日。旦羽旄四合。垓陛三登。上璧左琮之華。合祛而信
祝。祖蔭宗題之次。更侑而廸嘗。拜嘉胙于席垂。列欽紫
于雲表。靈心合答。熙典脩成。

自叙

趨蹌于寶蠟光中。曾之秉文之德。舞蹈于金猊香裏。徒
深昭格之思。舉相如三十人作歌。無庸馬走。若兒寬十
萬歲上壽。有美鵠行。肅雍將事。戒魯卿跛倚之臨。乾惕
從王切。莊子文犧之懼。共給楚貢粗慙。縮酒之茅。造託
湘流。莫對受釐之席。

嚴祭

嚴祀有則。赤鴈降于祠宮。

宣帝尊孝武廟為世宗。告祠孝昭。寢有五色雁來集。

謁無虧。白鶴翔于清廟。

宣勅郡國皆立世宗廟。有白鶴來翔。

禮終九獻。見

玉柱之生芝。樂展四懸。覺鈞天之合律。園陵動色。躍在
藻之泉魚。弓劔皆鳴。鑄汗金之風馬。事高宣室。禮縵大
清。百靈颺旒。千秋承霜露之容。萬福繽紛。兩座見雲霞
之色。

禱用

晉下邳內史曹毗。敬告山川諸靈。頃節運錯。辰早亢陰。
銷川竭谷。虛石流山。焦天無纖雲。野有橫飈。盛夏應暑。
而或涼。草木無霜而自凋。皇皇農夫。輟耕田畔。悠悠舟
人。頓造川岸。雲根山積。而中披雨。足垂零而復散。聖主

當膳而減味。牧伯忘餐而過晏。民庶拊心而頓蹙。搢紳不期而同歎。

梁任孝恭鍾山賽蔣帝文。嘗聞河南少雨。漢王避其正殿。許下輟潤。魏后計彼塵書。和氣乖運。陰陽舛互。風至若湯。雲生猶火。速能制茲東井。告彼南箕。水蒲畢星。氣衝卯地。使君子有豐豐之心。耕夫無感感之念。

漢皇布詔。軋封矯誣。彰失唐帝。術行縮水。荒誕貽譏。西海忽飛朱鬣。中方頓舞黃龍。電掣豐隆。陰帝捲五湖清浪。星馳屏翳。巨靈洩四瀆洪瀾。玉女披衣于涌氣。雷君出裝以西行。五政不爽。非忤羅浮之神龜。十日爲期。獨

鳴武昌之石鼓。得稟爲禱。恩歸造物。發苗生鮒。飲却神功。

竊惟雨暘時若。天之所以資生。陰陽燮和。人之所以參化。茲者邇自春來。迄今夏至。總計陰雨一百九。何啻十寒。屈指晴明三十一。不能一暴。不日又暄。癡雲生根。如水益深。妬雨有脚。將高岸之爲谷。疑銀河之欲枯。易生之物。未有能生。枵腹之民。何以實腹。客歲洪水。壞屋衝田。隱痛在目。卽今編戶。炊玉燒桂。痼瘵切身。此皆縣官不職。上干天和。致令旻天疾威。下絕民望。然好生大德。詎無生意之可回。明神有靈。惟恃神功之得力。伏願昇

商羊于豺虎。投天吳于魑魅。返鬱儀之駕于陽谷。張金鳥之翅于中天。令萬物忻陽氣而回生。黎民矚天光而鼓舞。

明堂

總章

尸子。黃帝曰合宮。有虞曰總章。殷人曰陽館。周人曰明堂。管子。黃帝立明堂之議。舜有告善之旌。湯有總街之廷。武王有靈臺之候。周禮。夏后氏大室。殷人重屋。周人明堂。

茅屋

大戴禮。明堂者凡九室。一室而有四戶八牖。以茅蓋屋。上圓下方。所以明諸侯尊卑也。外水名曰辟雍。總三十

六戶七十二牖。三輔黃圖。明堂者。明天道之堂也。所以順四時。行月令。宗祀先王。祭五帝。故謂之明。辟雍。圓如璧。雍以水。異名同事。其實一也。

按諸儒及舊說明堂宗祀之所辟雍教導之所靈臺候望之所三輔黃圖以為明堂辟雍同管子以為明堂靈臺同蓋古今異說也

周書。東方曰青陽。南方曰明堂。西方曰總章。北方曰玄

室。中央曰太廟。五經要義作太室左為左个。右為右个。

禮論。或以明堂者。文王廟。周時德澤和洽。蒿茂大。以為

官柱名為高宮。

白虎通。禮三老于明堂。所以教諸侯孝。禮五更于太學。所以教諸侯弟。

五更

舊章

左

漢書。上欲治明堂。未曉其制。濟南人公玉帶。上黃帝時明堂圖。圖中有一殿。四面無壁。以茅蓋屋。通水。水圍宮垣。為複道。上有樓。從西南入。名曰崑崙。天子從之。武帝封岱宗。立明堂于太山汶上。考經緯之長策。應黃鐘之旋宮。穆穆四門。可納四氣。明明八窓。均調八風。靡金靡玉。匪磨匪礱。去隋侯之夜光。明素質。以為工。思承天以接神。故峻壺乎皇穹。颺乎懿淠。繡兮豐融。雷承乾以震耀。雲大壯乎其中。非至聖之精誠。孰能克勤乎此功。

農扈屢豐。協氣方流。于縣宇。今宮大享。曠儀遂舉。于中

天。驛置星馳。嵩呼雷動。恭惟陛下。範圍元化。斧藻太平。鑒天明地。察之嚴。屢修美報。思祖功宗德之大。左謹精禋。調元布政。尚存黃帝之規。嚴父配天。肆舉周人之典。臣考漢家汶上之圖。繼周頌我將之作。落霞秋水。身縻刺史之左符。廣樂鈞天。夢繞總章之右个。前宣室之席。絕企清光。扈甘泉之車。猶存昨夢。

辟靡

白虎通。天子立辟靡。辟者象壁。圓法天。靡。壅也。壅之以水。象教化流行。五經通義。諸侯不得觀四方。故缺東以南。南。半天子之學。故曰頌宮。

頌者判也。魯頌作泮宮。

記米廩有虞氏之庠也。序夏后氏之序也。瞽宗殷學也。

周制大學為東膠。小學為虞庠。庠序皆學也。庠之言詳也。于以考禮詳事也。魯

謂之米廩。虞帝之庠人藏棗。棗盛之委焉。序次序王事也。瞽無日以喻童蒙言瞽瞍之所宗也。膠之言糾也。所以糾故學士也。祭義曰。周有四郊之虞庠。

四教

記學正崇四術立四教。春秋教以禮樂。冬夏教以詩書。

師氏掌以燬音美詔王。以善道告王以三德教國子。舜命夔曰命汝典學

教胄子胄子即國子一曰至德以為道本。二曰敏德。仁義順時以為行

本。三曰孝德以知道惡。

凡學必時。春夏學干戈。秋冬學羽籥。皆于東序。春誦夏

絃。太師詔之。瞽宗秋學禮。執禮者詔之。冬學書。典書者

詔之。禮在瞽宗。書在上庠。

古之教者。家有塾。黨有庠。術有序。國有學。古者仕歸教于問里朝夕

坐于門側之堂謂之塾。五百家為黨。萬二于五百家為遂。術當作遂。遂在郊外。比年入學。中年

考校。中間也。間歲則校學者之一。德行三年大比。乃考焉。一年視離經辨志。三年

視敬業樂群。五年視博習親師。七年視論學取友。謂之

小成。九年知類通達。強立而不反。謂之大成。

記。孔子曰。入其國。其教可知也。其為人也。溫柔敦厚。詩

教也。䟽通知遠。書教也。廣博易良。樂教也。絜靜精微。易

教也。恭儉莊敬。禮教也。屬辭比事。春秋教也。

庖犧作八卦。神農重之。為六十四。夏人因炎帝曰連山。

殷人因黃帝曰歸藏。文王廣六十四卦。著九六之爻。謂之周易。周公作文詞。孔子爲彖象繫辭。文言序卦之屬。十篇。謂之十翼。初上商爲易傳。至西漢名家有施讐。孟喜。梁丘賀。京房。費直。高相。東漢則鄭玄。魏則王弼。並注易。至西晉梁丘施。高二氏亡。孟京二氏有書無師。而鄭玄王弼所傳。則費氏之學。

書
九丘

釋名三墳。墳分也。論天地人之始分也。五典。典。鎮也。所以鎮定上下。差等有五也。八索。索。素也。著素王之法。若孔子者。聖而不王。制此法者。有八也。

孔子贊易以黜八索

九丘。丘。區也。區別九州風土所宜也。皆此三

一日八卦之說謂之八索求其義也

王以前。上至羲皇時書也。惟堯典存。

上世帝王遺書。有墳典訓誥誓命。孔子刪而序之。斷自唐虞。下訖于周。凡百篇。以其上古之書。故曰尚書。遭秦滅學。並亡。漢興。濟南人伏勝。能口誦二十九篇。文帝欲立尚書學。以勝年且九十餘。老不能行。乃詔太常晁錯。就其家傳受之。得四十一篇。歐陽大小夏侯傳其學。是曰今文尚書。劉向五行傳。蔡邕勒石經。皆其本。

魯恭王壞孔子宅。于壁中得古文尚書。武帝乃詔孔安國定其書。作傳義五十八篇。書成。遭巫蠱事。不行。至魏晉之際。滎陽鄭冲。私于人間傳之。東晉汝南梅願奏上。

孔壁

齊南

始列學官。此則古文尚書矣。

東漢杜林。字伯山于西州得漆書古文尚書一卷。衛宏徐

巡皆受林學。

詩
毛萇

孔子刪詩。上取商。下取魯。凡三百十一篇。秦滅學。亡六

篇。今三百五篇。初孔子以詩授卜商。商為之序。以授曾

申。魯人申授李克。魏人克授孟仲子。魯人仲子授牟子。牟子

授荀卿。趙人卿授毛亨。魯人作詁訓。以授毛萇。趙人時人謂亨

為大毛公。萇為小毛公。故名詩曰毛詩。東漢鄭玄取毛

氏詁訓所不盡及異同者。續為注解。謂之曰箋。箋薦也。

言薦成毛意。

詩

詩。推度災曰。建四始。五際。而即通卯酉之際。為革政。午

亥之際。為革命。神在天門。成之出入候聽。習奉曰。五際

謂五倫。

仲尼沒而微言絕。七十弟子喪而大義乖。故詩分為四

謂毛齊韓魯也。

孔子約魯史以修春秋。書有褒貶。不可以書見。口授弟

子。左丘明恐弟子各安其意。以失其真。故夫子所言而

作傳。卜商又授弟子公羊高。穀梁赤。又各為之傳。孔子

沒而春秋分為五。謂左氏。公羊。穀梁。鄒氏。邾氏。今鄒邾

亡。左氏有賈逵訓詁。服虔杜預註。杜預有左癖公羊有何休

春秋
左氏

分四

解詁穀梁有范甯集解。

周禮儀禮並周公所作記所謂禮經三百威儀三千禮經則周禮也威儀則儀禮也周禮遭秦滅學藏山巖屋壁得不亡漢武時季氏獲之以上河間獻王獨闕冬官一篇購之千金不得乃以考工記補之奏入秘府至劉歆始奏立樂官鄭玄為之注儀禮周衰已亡至漢高堂生所傳十七篇惟士禮存焉後世推士禮以致天子之禮而行之馬融鄭玄王肅並為之注禮記者本孔子門徒共撰所聞也後通儒各有損益子思作中庸公孫尼子作緇衣漢文時博士作王制其餘衆篇皆如此例宣

帝時東海后蒼善說禮于曲臺殿撰禮一百八十篇號曰后氏曲臺記蒼傳梁國戴德及德從子聖乃刪后氏記為八十五篇名大戴禮聖又刪大戴禮為四十六篇名小戴禮其後諸儒又加月令明堂位樂記三篇凡四十九篇則今之禮記也有馬融鄭玄注馬注今下至宋仁宗世王堯臣及第賜中庸呂臻及第賜大學于戴記中表章二書以開四書之端

延儒漢武延儒百數言易有淄川田生言書有濟南伏生言詩魯則申培公齊則轅固生燕則韓大傅嬰言禮則魯高堂生言春秋齊則胡毋生趙則董子仲舒而公孫弘

為丞相封侯。天下靡然從風矣。太常議因舊博士置弟子五十人

東漢明帝臨辟廡拜三老。宗戚子弟莫不受學。

後魏道武帝立太學。增國子太學生員三千。獻文帝天

安初立鄉學。郡置博士二人。助教二人。學生六十人。郡

縣學始此。

唐太宗置弘文館于上臺。生徒三十人。置崇文館于東

宮。生徒二十人。並以皇族懿親子弟為之西京國子監領六學。一曰

國子學。生徒三百人。以文武三品以上子弟為之二曰太學。生徒五

百人。以四五品子弟為之三曰四門學。生徒千三百人。以六品七

庶人之俊秀者為之四曰律學。生徒五十人。以八九品子弟及庶人之習法令者為之

五曰書學。以習文字者為之生徒三十人。六曰算學。以習計數者為之

生徒三十人。無何高麗百濟新羅高昌吐蕃諸酋長亦

遣子弟請入國學。共八千餘人。

三輔黃圖禮小學在公宮之南。大學在東。就陽位也。去

城七里。東為常滿倉。倉之北為槐市。列槐樹數百行。為

隧。無墻壁。諸生朔望會且市。各持其群所出貨物。及經

傳書記。笙磬樂器。相交易。雍容揖讓。論義槐下。

齊有稷山館。其下以周遊學士。因以為名。齊都賦曰。濟

濟稷下。

漢文翁為蜀郡太守。起學宮。設官使子弟受業。

槐市

稷下

文翁

范甯

晉范甯為餘杭令。興學校。養生徒。遷豫章守。取郡四姓子弟。皆充學生。又起學臺。功用彌廣。

釋奠

記釋奠。即舍音釋菜。舍置也。置菜于前而祭之也。菜。芹藻

之屬。夏小正曰。二月丁亥萬。丁亥吉日也。萬。千戚舞也。則祭之用丁日。舊矣。

四六
頌語

秦焚金篆。周亡玉鏡。群言爭亂。諸子相騰。書則夏侯。歐陽。易則神翰。道訓詩乃齊魯。毛韓傳稱鄒左。張郊禮有曲臺。王史之異樂。有龍德。趙定之殊。伏惟陛下。撫五辰而建五長。播九德而導九州。容成為曆。與景雲之瑞。伶倫吹律。應黃鍾之琯。若非六經庖厨。百家異饌。三墳為瑚璉。五典為笙簧。豈能暴以秋陽。紆就望之景。濯以江

漢播垂天之澤

五學惟周為盛。東學西學南學北學太學三廡自漢而興。辟廡靈臺明堂三

千壁水。教自國中。萬里覘旌。來從天上。圓橋億萬。漢明帝

踵堂八千。唐太宗編珠拱極。憲東壁之經星。群玉名山。峙

西崑之策府。

紫盞鴻圖。茂舉右文之典。黃宸駿烈。式昭崇道之徽。聳

觀聽于橋門。儼威儀于堂陛。竊自虞廷授受。倡十六字

心源。人心惟危。道心惟微。惟精惟一。允執厥中。孔壁編摩。開億萬年聖緒。洙

泗衍西河之派。禮樂肩躋。齊梁紹東魯之休。章縫踵接。

自隴中之烟。旣焰而沛上之戰。方酣。荆棘滿尼山。非復

絃歌之地。藻芹虛泮水。寧觀俎豆之容。幸息馬投戈。丕
變溺冠。故習。迨乞言養老。允乎前席。虛懷。述作規模。更
千秋而仰止。帝王學術。曠百世其常新。恭惟陛下。尊崇
六籍。恍披霧以見青天。優遇群儒。猶稀陽之歌。湛露振
纓。文藪。曳組賢關。席敞金華。佳氣鬱浮仙仗。香飄御座。
芳馨綵繞霞衣。翠華搖拽。乎朝矇葆。羽翩翻乎春色。臣
縫掖趨鸞坡之迥。以隨游夏。以升堂軒墀。龍衮之華。如
見顏曾之侍坐。卒桓榮之業。因人而成。登劉洎之床。則
臣豈敢伏願堯天時勅。湯日又新。作之君。作之師。文教
誕敷于九有。得其名。得其壽。皇圖鞏固于萬年。

東觀書林。久俟漢儀之覩。西崑策府。載瞻周馭之臨。
暉下矚光榮。河溫洛之藏。天藻昭垂。琇過沛橫汾之詠。
黃繖飄翻。徑草生香于過。軍翠華至止。江鷗借影以朝
陽。

經進

翠華承日。仙仗齊開。黃繖飛雲。鑾輿至止。彼殿廷重席。
戴憑虛侈于漢恩。而麗正說書。張說謾誇乎唐典。崇政
之經歲。編僅課虛文。邇英之閣日開。惟循故事。茲者日
擁金鑾。影動天章之署。風生玉陛。香飄合殿之煙。聽程
頤之諫。柳資傳說以調梅。發芳訃于冊書。討竒文于綠
字。授經侍講。進漢儀之儒紳。賜坐颺言。述孔門之問答。

雲棲藻館。風動蒿宮。

藉田

說文。帝藉千畝者。使民如借。故謂之藉。周官。上春。詔王后帥六宮之人而生種。種之種。而獻之于王。

三推

記。孟春之月。天子乃以元日。祈穀于上帝。天子親載耒耜。率三公九卿諸侯大夫躬耕。帝藉。天子三推。公五推。卿諸侯九推。庶人終畝。反及執爵于太寢。命曰勞酒。又曰。昔者天子為藉千畝。冕而朱紘。應劭。漢官儀。東耕之日。親率公卿。戴青幘。載青車。駕蒼馬。晉輿服志。金根車。天子親耕所乘也。置耒耜軾上。

一

周宣王不藉千畝。號文公諫曰。夫民之大事。在農。先時

九日。太史告稷曰。陽氣俱蒸。土膏其動。即以告王。王即

御事。王耕一垓。班三之。

一垓一耦之祭也。耦廣五寸二。耜為耦。一祭廣尺也。班次也。三

之謂公卿大夫也。王之下各三。其

上。公三。祭。卿六。祭。大夫九。祭也。庶人終乎千畝。王不

聽。師敗于姜戎也。

鈎盾

漢昭帝耕鈎盾弄田。在未央宮中。

賜食

東漢永平十三年二月。耕藉田畢。賜觀者食。有一諸生。

前言善哉。文王之遇太公也。上書版曰。生非太公。予亦

非文王。

四六 頌語

甸師清畿。野廬掃路。封人壝宮。掌舍設柅。青壇蔚其嶽。

立翠幕。黦以雲布。結崇基之靈趾。啟四塗之廣阼。沃野
墳腴。膏壤平砥。清洛濁渠。引流激水。遐阡繩直。邇陌如
矢。葱牯服于縹軌。糾韓綴于黛耜。天子乃降靈壇。撫御
耦遊。塲染屨。洪縻在手。三推而舍。庶人終畝。貴賤以班。
或五或九。躡踵側肩。倚裳連袂。黃塵爲之四合。陽光爲
之潛翳。動容發音。而觀者莫不抃舞乎康衢。謳吟乎聖
世。

修六府。穀之爲本。陳八政。食以爲先。昔周宣情于畝之
禮。虢公納諫。漢文缺三推之義。賈生直言。祥正農祥而
青旗肅事。土膏而朱紘戒典。將使杏花苜葉。耕穫不愆。

清畝冷風。述遵無廢。

農祥晨正。動一氣于青陽。帝藉躬耕。舉三推于黛耜。歡
傳葦日。風動綿區。竊以藉乃借民。周頌述載。莫之訓。冕
而從事。戴經垂耒之詞。天田九星。象著耘耔之應。農
輿三蓋。禮爲恭儉之先。書頌一札。已聞天語之叮嚀。麥
秀兩岐。願繼前賢之彷彿。

司農制播植之器。挈壺掌升降之儀。天子倡三公之耕。
耒耜親載于元日。王后嚴六宮之帥。種稌敬獻于上春。
玉鑾順動。履于畝于近郊。金駕時遊。復三推于舊制。雨
師清路。聳鳳蓋以來雲。風伯霽塵。建龍旂而拂日。青壇

岳立翠幕。煙平。緝鞞。黛耜。克遵。應劭之儀。綠耦。朱紘。允
脩曹褒之禮。

親蠶

盆

祭義。太昕之朝。季春朝日之朝君皮弁素幘。卜三宮。夫人世婦

之吉者。使入蠶于蠶室。奉種浴于川。桑于公桑。風戾以

食之。恐露濕傷蠶。風之使燥而後食之。歲既單矣。歲盡三日世婦卒蠶。獻繭

于夫人。夫人曰。此所以為君服與。遂副禘而受之。因少

牢以禮之。及良日。夫人繰三盆手。遂布于三宮。夫人世

婦之吉者。使繰。遂朱綠之。玄黃之。以為黼黻文章。君服

以祀先王先公。敬之至也。三盆手三淹也。凡繰用淹。大總而手振之以出絲。緒

蠶

蠶神曰苑窳婦人。寓氏公主。又先蠶。則天駟星。

一條

皇后躬桑。始將一條。執筐受桑。又蠶始生。后食之。三灑
而止。

列女傳。宿瘤。齊東郭采桑女。閔王娶為后。

東漢明德馬后。置蠶室于濯龍中。數往來觀視。

采帝女之桑。爰求十畝。分后妃之繭。遂布三宮。揚黼黻

之奇章。播朱紫之艷色。供帝郊之舊制。配春天之景福。

營建

堯有貳宮。摛宮。湯有鏹宮。見墨子周有高宮。鄭宮。春宮。離

宮。吳有館娃宮。秦有蕲年宮。信宮。梁山宮。阿房宮。漢有

宮

四六
頌語

濯龍

蠶

宮

宮與宮。諸宮。秦光。宜春。池陽。望僊。長揚。集靈。通天。駮。漢武。柏梁。災。越。巫。言。越。俗。有。火。災。復。大。起。宮。室。以。厭。勝。之。于。是。起。建。章。宮。千。門。萬。戶。

明光

漢武起明光宮。發燕趙美女二千人充之。建章未央長樂。皆輦道相屬。懸棟飛閣。不由徑路。

其泉

漢劉歆作其泉宮賦。王褒作其泉宮頌。周禮車宮。韓門。為壇壝宮。戟門。帷宮。旌門。無宮。則供人

車宮謂王行止宿之處。條非非常次車以為籓。則仰車門以表門。築壇起土。壝為宮。則以戟為門。若晝食其帷。宮則樹旌以表門。無宮陳列。周衛則惟選長人立以為門。

馬

臯門。庫門。雉門。應門。路門。天子門也。又賈誼書。天子宮門曰司馬門。

金馬

史記金馬門者。宦者署門也。門傍有銅馬。故謂之曰金馬門。

濯龍

東漢建武二年。有司請封諸舅。馬后詔曰。前過濯龍門。上見外家車如流水。馬如龍。吾亦不譴怒之。但絕其歲用。冀其默止。

殿

風俗通。殿堂象東井形。刻作荷菱。荷菱水物也。所以厭火。又摯虞注曰。凡大殿。乃有陛。堂則有階。無陛也。九錫之禮。納陛以登。謂受此陛以上殿。

秦始皇始作前殿。漢有白虎。會諸儒白虎殿講五經同異金華。張禹說書金華

殿鳳凰。宣帝建麒麟椒房。二殿在未央宮宣德通明高明。在長樂宮又

有大夏長秋披香朱鳥玉堂却非增城合歡銅馬諸殿。

東漢有溫明。在邯鄲德陽。明帝起德陽殿周旋容萬人激洛水于殿下謂公卿曰鍾離意

若在不得成此殿陽安華光諸殿。魏有大極。晉以來正殿皆名之九龍芙蓉

容九華承光諸殿。

後漢王延壽魯靈光殿賦序曰魯靈光殿者蓋景帝程

姬之子恭王餘之所立也。遭漢中微自西京未央建章

之殿盜賊奔突皆見隳壞而靈光巋然獨存意者豈非

神明依憑支持以保漢室也。

甲帳

漢武起神屋以琉璃珠玉明月夜光雜錯天下珍寶為

甲帳其次為乙帳甲以居神乙自御之。

公孫卿謂武帝曰仙人好樓居于是上令長安作飛廉

桂觀其泉作延壽觀其露二年上幸荇音倍陽宮屬玉觀

又有鳩鵲神明集靈陽祿臨仙渭橋昆明射熊迎風閣

風諸觀魏明置崇文觀徵善屬文者充之。

廣雅象魏闕也周官太宰以正月懸治法于象魏左傳

哀三年司鐸火踰公宮季桓子至命藏象魏曰舊章不

可忘。象魏門闕也法令懸之因以其書為象魏老子云身處江海之上心在

魏闕之下。

魏闕

飛廉

尚書大傳。天子堂高九雉。雉長三尺諸侯七雉。伯子男五雉。

漢玉堂在大液池南。

東漢楊震講書有鸛雀銜三鱸魚飛集講堂。都講進曰。

鱸蛇者大夫之象也。數三者法三台也。先生自此陞矣。

管子堯有衢室之問者。下聽于民也。

漢文徵賈誼入見上方受釐坐宣室。因感鬼神之事。與

誼言之。又取暴室。晉夫許廣漢女。暴室織染局取日暴之義

晉獻文子成室。張老曰。美哉輪焉。美哉奐焉。

書若考作室。既底法。厥子乃不肯堂。矧肯構。

梁武造寺。命蕭子雲飛白大書一蕭字在焉。李約自江

室
玉堂
鱸堂

衢室

宣室

暴室

輪與

肯堂

齋

音昭

淮竭產買歸于洛中。匾于小亭。號曰蕭齋。

魏有麗樵。莊子徐無鬼謂魏武侯曰君亦必無盛鶴越

有飛翼。漢有并幹。音寒武帝建高五丈以候神人魏有白門樓。吳有

白雀樓。晉有伺星儀。鳳翔。唐有花萼樓。南宋有景陽

樓。

晉庾亮在武昌。諸佐吏殷浩之徒。秋夜共集南樓。不覺

庾至。諸人將起。避亮曰。諸君少住。老子于此興復不淺。

魏王粲登樓賦。鍾儀幽而楚奏。莊舄顯而越吟。人情同

于懷土。豈窮途之異心。粲字仲宣避難荆州依劉表登江陵城樓懷歸而作

劉倫答許汜曰。如小人欲卧百尺樓上。卧君于地下。又

樓

南樓

登樓

百尺

玉樓

殷浩廢後。恨簡文曰。上人著百尺樓上。擔梯將去。閭風苑有玉樓十二。李白詩。天上白玉京。十二樓五城。

又李賀夢人持版告曰。天帝白玉樓成。請君為記。

閣天祿

漢劉向校書天祿閣。天祿獸名有黃衣老人植青藜杖叩閣

而進。吹杖端烟。燃火曰。我太乙之精。出竹牒。天文地理

之書。悉授之。又楊雄校書天祿閣。獄使收雄。投閣幾死。

京師語曰。惟寂惟莫。自投于閣。

麒麟閣

漢圖功臣麒麟閣。

阿閣

黃帝時。白鳳巢阿閣。

臨春

陳後主作臨春。結綺。望春。二閣。以沉檀香木為之。臨春

後主自居。結綺。張麗華居之。望春。龔孔二妃居之。

臺

殷有鹿臺。南單臺。

汲冢書。武王親命。受于南單之臺。

周有靈臺。秦有章

臺。鳳臺。

弄玉吹簫。

漢有漸

音尖。臺在池上。取不浸之義。

臺。

武帝所建。後王莽死。此一栢

梁臺。通天臺。後漢有雲臺。魏有銅雀臺。水井臺。

楚王饗客章華臺。靈王作乾谿之臺。吳有姑蘇臺。項羽

有戲馬臺。

懷清

史記。寡婦清。其先得丹穴。而擅其利。清。寡婦也。能守其業。秦始皇以為貞婦而客之。為築女懷清臺。

園梁園

匏瓜星為天子果園。史記有梁園。漆園。

莊周為漆園吏。

楚橘柚

園。三秦記。漢武有樊川園。

一名御宿。

有大梨名舍消。魏明帝

華林

起景陽山于芳林園中。後避少帝諱改華林又有桐園。晉有靈芝園。葡萄園。又晉人有園在宅左。名睹闌。

辟疆

世說。晉簡文入華林園。顧謂左右曰。會心處。不必在遠。翳然林水。便自有濠濮間想。覺鳥獸禽魚。自來親人。

灌園

王子敬入會稽。經吳門。顧辟疆有名園。先不識主人。逕往其家。值顧燕集園中。而王遊畢。逕出。傍若無人。

苑

莊子。子貢過漢陰。見一丈人。鑿隧抱甕。汲井取水而灌園。子貢曰。有機于此。日浸百畦。挈水若抽。名曰桔槔。丈人曰。吾知之。耻而不為。又於陵子辭卿相而桔槔灌園。周禮。囿人掌國游之獸禁。國遊者國山之離官小苑遊觀處漢有其泉。上

唐詩

林思賢

文帝為太子立以招賓客

博望

武帝為太子立使通賓客

黃山

霍雲獵處後

漢有畢圭靈崑鴻德

桓帝置

廣成

靈帝獵

晉有平樂鹿子桑梓諸苑

輦路

杜審言。北斗挂城邊。南山倚殿前。雲標金闕迥。樹杪玉堂懸。半嶺通佳氣。中峰繞瑞烟。

戲馬

沈佺期。輦路披仙掌。帷宮拂帝蘿。泉臨香澗落。峰入翠雲多。

宋之問。臺疑臨戲馬。殿似接䟽龍。捧篋萸香編。稱觴菊氣濃。北闕層城峻。西宮復道懸。花柳含丹日。山河入綺筵。

龍

當

桐花

鶴居

明

徽

四六

蘇頲。疏龍磴道。刃。昭回。建鳳旗門。遶帝臺。七葉仙萸。承
月吐。千條御柳。拂烟開。
張說。城臨渭水。天河靜闕。對南山。雨露通。遶殿流鶯。凡
幾樹。當蹊亂蝶。許多叢。

杜甫。蓬萊宮闕對南山。承露金莖。霄漢間。西望瑤池降
王母。東來紫氣。滿函關。雲移雉尾。開宮扇。日遶龍鱗。識
聖顏。

許景先。瑞氣朝浮五雲閣。祥光夜吐萬年枝。蘭葉負龜
初薦祉。桐花集鳳更來儀。

賀知章。華滋的皪丹青樹。顥氣氤氳金玉堂。尚有靈蛇
下。鄜時。還徵瑞寶八陳倉。層欄窈窕下龍輿。清管逶迤

半綺踈。一聽南風引鸞舞。長謠北極仰鶉居。

唐玄宗。佳氣蒲通郊。遲步入綺樓。初鶯一一鳴紅樹。歸
鴈遲遲去綠洲。太液池中下黃鶴。昆明水上映牽牛。聞
道漢家全盛日。別館離宮趣非一。為想雄豪壯栢梁。何
如儉陋卑茅室。陽鳥黯黯向山沉。夕鳥喧喧入上林。薄
暮賞餘回步輦。還念中人罷百金。

錢起。翠微回日馭。丹巘駐天行。御氣升銀漢。垂衣俯錦
城。山通玉苑迥。河抱紫關明。

紫蓋黃旌。楊都之王氣長久。龍蟠虎踞。金陵之地勢堅

貞秦人所止。實漢祖而為宮。吳都佳氣。乃元皇而斯宅。
千櫺赫奕。萬栱蛟螭。植綠芰而動微風。舒丹蓮而制流
火。其泉遠望。觀正殿之崢嶸。函谷遙看。美皇居之佳麗。
松軒夜警。香冥姑射之心。茅殿晨疑。寥廓峒山之駕臣。
雷風太上。庇影華胥。仰衢室而無階。候襄城而有地。雖
望卑平叔。空勒景福之詞。而文謝子雲。願竭其泉之思。
華闕連雲。帝座上參紫極。崇牖拱日。皇居永鎮玄都。竊
惟上棟下宇。大壯豫風雨之防。左掖右明。營室貫斗牛
之象。故唐開衢室。而虞建合宮。巢阿閣以鳳皇。走靈臺
以麋鹿。美輪奐。昭懿訓于晉卿。肯構肯堂。尊嘉謨于

周誥。雕墻作備。刻楠滋章。長樂宣活。章華築怨。柏寢鬼
裘。奚取千門萬戶。夢樓壯麗。徒耽一帝五王。凌煙之畫。
僅表忠良。仁壽之娛。未全孝敬。恭惟陛下。凝神立極。體
道為樞。至仁益乘屋之風。大德溥攸居之化。百靈神助。
俄驚萬栱雲浮。庶民子來。倏見千楹岳峙。開閭闔于天
上。九龍騰景福之輝。聳樓閣于空中。五鳳煥承明之彩。
映丹檐而灼爍。斗栱音哲凝朱。聯碧甃以輝煌。璇題擁翠。
擘金鵝之仙掌。九重日醉春桃。壯銅駝之偉觀。萬仞煙
籠曉仗。輦飛鳥革。氣雄百二山河。佩玉鳴鸞。光動三千
禮樂。臣拜基命而經營大匠。愧無一木之支。觀落成而

考績各官。祇效九成之頌。敢不讀梓人之傳。悟相體于引繩。檢考工之篇。識禮學于後素。伏願心存溝洫。聖入禹域而優。儉克茅茨。道望堯墻而見。四海為家。更願綢繆于牖戶。萬戶安宅。益堅壯麗之山河。林衡授矩。周官詮揆日之工。梓匠揮斤。荆客練成風之巧。鳳池青瑣。參差鴈齒之階。鸞庭綺窓。錯落魚鱗之屋。璇題耀日。聳瑋瑁之金椽。珠網懸星。沉琉璃之玉閣。將九成而接影。天外舒蜺。共五柞以連陰。雲中佩鳳。竹苞松茂。千櫺張赫奕之容。鳥革翬飛。萬栱端峻嶒之勢。望瑤簷而四柱。俯納乾坤。上層榭而三休。平看日月。

永寧飾侈于唐朝。徒彰晨索。長樂彌文于漢室。未睹清温。茲者壯翬飛鳥革之規。彤庭並建。峙龍蟠鳳翥之勝。金屋弘開。瑤池直接乎薇垣。制卑隆祐。蓬島遙連乎月榭。光掩長秋。袞衣膝下。異人間萊彩庭階。珠珥尊前。合天上斗垣紫宇。

五鳳樓

開閭闔于天上。聳閣道于雲中。兩觀佳兔。門闕遂來乎賢士。五雲縹緲。樓居夙好于仙人。璇題切紫極以崢嶸。朱栱並廣寒而掩映。雕文有燦。九龍獻彩于承明。綺翼斯飛。五鳳騰輝于景福。洛陽之立四親。未符曩烈。景靈之奉列聖。空炫縉文。寢

六廟

六廟

三三

廟弘開。列石由而有序。神靈協贊。啟竇于以交輝。絳闕九
成。下交風雨。碧樓三襲。上造雲霄。秘殿重深。列儀坤之
正位。迴廊曼衍。圖拱極之元臣。明堂之考。禮樂允叶。周
文。原廟之游。衣冠非同漢制。

明堂
天府合宮之制。肇自黃農。總章衢室之儀。成則堯舜。方
員有度。乾坤之象斯存。左右不偏。冬夏之宜自造。明明
八牖均暢。八風穆穆。四門節宣。四氣三十六戶。環大寢
以旁開。七十二窓。絡重簷而四列。玉女攀星于網戶。金
娥納月于璇題。遵玉帶名人以命圖非同漢陋。因茂蒿而
作柱。實驗周仁。

孔子
魯以泮宮發詠。尚覩遺風。鄭以鄉校貽譏。未觀大雅。辟
靡建議。慨聚訟之紛然。學圃盈蔬。何崇文之不繼。廟堂
樓閣。飛金碧以交輝。椽桷棟梁。被丹青而絢采。尊居侔
于鳳闕。殿啟大成。傑構敞于虎闈。堂分六館。千間厦屋。
經營成不日之功。萬仞宮牆。錯落起冲霄之勢。

孔子
赫赫魯廩。星當奎壁。巍巍闕里宅。枕尼山。懸甕一開。張
伯難逃于懷璧。遺音乍聽。魯恭竟阻于登堂。梁木載懸
新甫。徂徠之舊植。宮牆肇啟。泰山泗水之餘基。前後殿
披。並文昌而高出。東西廡列。象營室以旁迴。飛配極之
層宮。千齡俎豆。結冲霄之寶勢。萬仞宮牆。過庭觀禮。猶

懷趨鯉之風入室升堂更想統龍之跡

如並文員而高出東西無匹參宮室以

飛有卧來之響即宮殿華姑泰山曰本

所獲也于卿整音三驅魯赤竟即于登

周林林碧墨星富全聖縣縣關守守

登會因不日之內萬外宮部

于鳳闕類如大如對對始于氣關堂

對因誅全雙以交戰射射采斯斯

鋼嚴焉淵翠焉之似然學團益

容以宋官公病尚賂貴風澳以

容以宋官公病尚賂貴風澳以

